

# TUHAKGAKHAK



NR – Kilamik Tuhaktitakhak

## **NTI-kut Pihimaliktot uminga Tungakmik ihomagivlogit hapkua Kangagalok Kitungagiit Uitayakutikakhimayot**

*(July 22, 2022 – Iqaluit, Nunavut)* Nunavut Tunngavik Timingat (NTI) pihimaliktot uminga Tungakmik hapkua Kangagalok Kitungagiit Uitayakutikakhimayot ihomagivlogit, una hannaoyakhimayok, hannahimaya uma hannaoyaktiuyup Jesse Tungilik.

“tatva niglogitiaktaga una hannaoyaak pivalikutigiyaotkovlugo okaotigivaliayangita hamani Nunavumi Inuit piyunaotaitnik, pitiakpalikutikhanik, tatvalo hakkuginingitnik hapkua Inuinait tatvalo nakligiikatiigiinik avatingnot angayokangoyot tatvalo notagaitlo. Koanakpiaktok una Jesse tuhaktitihimangmat onipkagiyaminik tatvunga hannaoyaktaminik,” okalaktok una NTI-kut Angayokangat Aluki Kotierk.

“Tughikvighimaliktavut una Pallakpakjuak Francis ataniktokovlugo. Una Father Johannes Rivoire pitailiyaongmat tavani tagiop akkiani Lyon, France-mi Pallat Angatjuviatniit France-mi Kanata-milo. Una Rivoire otiktitaoyagiaktok Kanatamut ihoinakutigihimayaminik taimani Apighoivikut nallaktaoyagialioalokmat,” okalaktok James Eetoolook, Toglea Angakyokanguyop NTI-kuni.

NTI-kut toghikatakhimaliktot otiktitaotkovlugo una Rivoire, una Pallakpak, tatvanganin 2017-min. Rivoire nayogagilikta una munnaghiviat hapkua pallait hapkua nuttitaohimayot tatvunga iitktaohimaalgaghotik tatvalo hapkua pallait ihoinaakutikakloakhimayot. Tatvani nayogakaktok okamilotaoyomannani inukniit tatkanga tatvalo naguugiyaotkunagit hapkua Pallakpait, hapkualo Angatjuviit tatvani Churchill-mi Tagioyakuamilo tatvalo una Angatjuviat Mary Immaculate, atanigiyait hapkua Pallakpait.

Una Tungaak hapkua Katangutigiit Uitayakatikakhimayot hannauyaktaohimayok kopilgoktot tungak kapihotikaktok uminga tungaakmiit uitayakutikaktomit, innunguakaktok kullingani. Onipkagiyayok uma Jesseiup ayungnaotanik pitiakatigiyomagaloagamiok appani, Marius Tungilik taimaihimayok nulliaktaohimagami taimanigalok uminga Paallaohimayup Brother Lucien Parent tatvani Sir Joseph Bernier, una Pallakpait Ilihakviat ilihaktitihimangmata hapkua Paallait tatvani Igluligaakjukmi, tatvalo unniklotaohimangmat nulliakhuni anniktitihimayok una Rivoire tatvani Naujaat-ni. Una hannaoyaak pitjutaohimayok uma Jesse-iup mammiyaotigihimayanik haffuminga katangutigiit uitayakutigihimayaitnik.

Una Tungaak Kangagalok Kitungagiit Uitayakutikakhimayot ihomagivlogit hannaoyaak akjakaoliktok tatvalo takkuyaokatainagialik tatvani Nunatta Sunakkutaangit Takkuyakakvikmi.

Una Jesse Tungilik allatkinik hannaoyaaktiyyok nunakaktok Iqaluitni, Nunavut.

-30-

***Tuhakpaligomanigovit tuhakviginagialik una:***

Malaya Mikijuk

Ataniyok Tohaktitilikiyitni

Nunavut Tunngavik Timingat

Hivayaotal: (867) 975-4900/Akkikangitok Hivayaota: 1-888-646-0006

[mmikijuk@tunngavik.com](mailto:mmikijuk@tunngavik.com)

[www.tunngavik.com](http://www.tunngavik.com)